

# SCRIPTA

---

**Numéro Scripta :** 3912

**Auteur(s) :** Philippe III le Hardi, France (roi)

**Bénéficiaire(s) :** Pierre Ier, Alençon (comte)

**Genre d'acte :** charte

**Authenticité :** non suspect

**Datation :** 1282, janvier

**Lieu d'émission :** Paris

**Action juridique :** règlement conflit

**Langue du texte :** latin

## Analyse

Philippe [III], roi de France, notifie le jugement rendu à la demande de Pierre, comte d'Alençon, sur les terres des juifs du comté d'Alençon.

## Tableau de la tradition

### Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 983, p. 251.

Texte établi d'après a

Philippus, Dei gratia, Francorum rex. Notum facimus universis, tam presentibus quam futuris, quod, cum, ex parte carissimi fratris et fidelis nostri Petri Alenconis, Blesensis et Carnotensis comitis, fuisset coram nobis propositum quod gentes nostre Judeos suos de comitatu suo Alenconis et de terra sua Perticensi, in juris sui prejudicium, nitebantur talliare ; gentibus nostris pro nobis ex adverso dicentibus, quod idem frater noster nullum jus in dictis Judeis reclamare debebat, quia, tempore quo dicte terre jure hereditario fuerunt eidem fratri nostro liberate, omnes Judeos de domaniis suis expulit, et de feodis et retrofeodis suis expellere nisus fuit, et eos habuit pro derelictis et juri renunciavit quod habebat in eisdem, quod fuit ex parte fratris nostri predicti negatum ; auditis hinc inde propositis, omnes Judei qui in dictis terris, tempore quo dictus frater noster adeptus fuit possessionem dictarum terrarum, tam in domaniis quam in feodis et retrofeodis suis, morabantur, fuerunt, per esgardum nostre curie, predicto fratri nostro liberati ; proviso tamen quod per hoc, quantum ad alios Judeos qui post illud tempus in illis terris venerunt moraturi, nobis vel aliis perjudicium nullum fiat. Quod ut ratum et stabile permaneat in futurum, presentibus litteris nostrum fecimus apponi sigillum. Actum Parisius, anno Domini millesimo ducentesimo octogesimo primo, mense januarii.